



**ҚАЗАҚСТАН ҰЛТТЫҚ БАНКІ**

## **№ 37 БАСПАСӨЗ РЕЛИЗИ**

### **«Т. Жангелдинге 100 жыл» ескерткіш монеталарды айналысқа шығару туралы**

2016 жылғы 18 қараша

Алматы қ.

Қазақстан Республикасының Ұлттық Банкі 2016 жылғы 18 қарашада «Есте қалатын оқиғалар мен біртуар адамдар» монеталар сериясынан номиналы 100 теңгелік нейзильбер қоспасынан жасалған «Т. Жангелдинге 100 жыл» ескерткіш монеталарын айналысқа шығарады.

2016 жылы қазақ халқының әйгілі өкілдерінің бірі, Ұлы Отан соғысының ардагері, белгілі қоғам қайраткері, ғалым Тоқтағали Жангелдиннің туғанына 100 жыл толады.



Монеталардың бет жағында (аверсінде) жоғары бөлігінде Қазақстан Республикасының елтаңбасы бейнеленген. Елтаңбадан оң жақта «ҚҰБ» аббревиатурасы орналасқан. Төменгі бөлігінде монетаның номиналын білдіретін «100 ТЕҢГЕ» деген жазу бар. Номиналдан сол және оң жақта ұлттық ою-өрнек элементі бейнеленген. Айналдыра мемлекеттік тілде «ҚАЗАҚСТАН ҰЛТТЫҚ БАНКІ» деген жазба бар.

Монеталардың сырт жағында (реверсінде) Белоруссиядағы партизан қозғалысына белсенді қатысушы, қоғам қайраткері, ғалым Тоқтағали Жангелдиннің бейнесі орналасқан. Портреттің сол жағында Т. Жангелдин марапатталған Чехословакияның «Партизан жұлдызы» ордені, «100 ЖЫЛ» деген жазба және соғылған жылын білдіретін «2016» деген сан бейнеленген. Айналдыра мемлекеттік тілде «ТОҚТАҒАЛИ ЖАНГЕЛДИН» деген жазба бар.

Монеталардың бет және сырт жағындағы бейнелер мен жазбалар бедерленген. Айналдыра шығыңқы жиек жүргізілген.

Қыры (гурты) бедерлі.

Монеталар нейзильбер қоспасынан жасалған, диаметрі – 31 мм, массасы – 11,17 грамм, таралымы – 100 мың дана.

Номиналы 100 теңгелік ескерткіш монеталар Қазақстан Республикасының бүкіл аумағында көрсетілген құнымен төлемнің барлық түрлері бойынша, сондай-ақ банк шоттарына есептеу және аударым жасау үшін қабылдануға міндетті, Қазақстан Республикасының барлық банктерінде шектеусіз ұсақталады және айырбасталады.

Ескерткіш монеталарды «Қазақстан Республикасы Ұлттық Банкінің Қазақстан теңге сарайы» шаруашылық жүргізу құқығындағы республикалық мемлекеттік кәсіпорны дайындаған.

Монеталардың дизайны Қазақстан Республикасы Президентінің 2003 жылғы 25 қыркүйектегі № 1193 Жарлығымен бекітілген Қазақстан теңгесі – ұлттық валюта банкноттары мен монеталары дизайнының тұжырымдамасына сәйкес әзірленген.

Ескерткіш монеталардың алты мың данасы жақсартылған сапамен дайындалған және сату үшін арнайы пластикалық термовакуумды орауға салынған.

Монеталарды Қазақстан Республикасы Ұлттық Банкінің барлық филиалдарында сатып алуға болады. Алматы қаласында мына мекенжай бойынша: Панфилов көшесі, 98.

Анықтама үшін телефоны: +7 (727) 273-83-98.

Толығырақ ақпаратты мына телефон бойынша алуға болады:

+7 (727) 270 45 85

e-mail: [press@nationalbank.kz](mailto:press@nationalbank.kz)

[www.nationalbank.kz](http://www.nationalbank.kz)